

多生女但妊娠二月名曰始膏精氣成於胞裏至於三月名曰始胎血脈不流象形而變未有定儀見物而化是時男女未分故未滿三月者可服藥方術轉之令生男也

丹參圓治婦人始覺有娠養胎并轉女為男方

丹參 續斷 芍藥 白膠 白朮

栝子仁 甘草各二兩 人參 芎藭 乾薑各三銖

吳茱萸 橘皮 當歸各十兩 白芷

冠纓燒灰各一兩 乾地黄一兩半 蕪荑十八銖

犬卵一具乾 東門上雄雞頭一枚

右十九味為末蜜和丸如梧子大酒服十九日再稍加至二

道藏輯要 孫真人千金方 三 續虛集十一 川上 廿

十九丸

又方取原蠶屎一作矢一枚并花水服之日二

又方取弓弩弦一枚絳囊盛帶婦人左臂一法以繫腰下滿百日去之

日去之

又方取雄黃一兩絳囊盛帶之要女者帶雌黃

又方以斧一柄於產婦卧牀下置之仍繫刃向下勿令人知如不信者待雞抱卵時依此置於窠下一窠兒子盡為雄也

妊娠惡阻第二法 妊娠方

論曰何以知婦人妊娠

脈平而虛者乳子法也經云陰搏陽別

謂之有子此是血氣和調陽施陰化也診其手少陰脈動甚者

姪子也少陰心脈也心主血脈又腎名胞門子戶尺中醫脈也尺中之脈按之不絕法姪娠也三部脈沈浮正等按之無絕者有娠也

姪娠初時寸微小呼吸五至三月而尺數也姪娠四月欲知男女者左疾爲男右疾爲女左右俱疾爲產二子又法左手沉實爲男右手浮大爲女左右手俱沉實猥生二男俱浮大猥生二女尺脈若左偏大爲男右偏大爲女左右俱大產二子大者如實狀又法左手尺中浮大者男右手尺中沉細者女若來而斷絕者月水不利又法左右尺俱浮爲產二男不然女作男生俱沉爲產二女不爾男作女生又法得太陰脈爲男得太陽脈爲女太陰脈沉太陽脈浮又遣姪娠人面南行還復呼之左迴首者是男右迴首者是女又看上圍時夫從後急呼之左迴首是男右迴首是女又婦人姪娠其夫左乳房有核是男右乳房有核是女

道藏輯要

孫真人千金方

四

續虛集十二

八七

姪娠欲知將產者懷姪離經其脈浮設腹痛引腰脊爲今出也但離經者不病也又法欲生其脈離經夜半覺痛日中則生也論曰凡婦人虛羸血氣不足腎氣又弱或當風飲冷太過心下有淡水者欲有胎而喜病阻所謂欲有胎者其人月水尙來顏色肌膚如常但苦沉重憤悶不欲食飲又不知其患所在脈理順時平和則是欲有姪也如此經二月日後便覺不通則結胎

也阻病者患心中憤憤頭重眼眩四肢沉重懈惰不欲執作惡聞食氣欲噉鹹酸果實多卧少起世謂惡食其至三四月日已上皆大劇吐逆不能自勝舉也此由經血既閉水漬於藏藏氣不宣通故心煩憤悶氣逆而嘔吐也血脈不通經絡否溢則四肢沉重挾風則頭目眩也覺如此候者便宜服半夏茯苓湯數劑後將茯苓丸淡水消除便欲食也既得食力體強氣盛力足養胎母便健矣古今治阻病方有十數首不問虛實冷熱長少殆死者活於此方半夏茯苓湯

治妊娠阻病心中憤悶空煩吐逆惡聞食氣頭眩體重四肢百節疼痛沉重多卧少起惡寒汗出疲極黃瘦方

道藏輯要

孫真人千金方

四二

續虛集十二

八川上

半夏

生薑各三

乾地黄

茯苓

各十橘皮

旋復花

細辛

人參

芍藥

芎藭

桔梗

甘草

各十

右十二味咬咀以水一斗煮取三升分三服若病阻積月日

不得治及服藥冷熱失候病變客熱煩渴口生瘡者去橘皮

細辛加前胡知母各十二銖若變冷下痢者去乾地黄入桂

心十二銖若食少胃中虛生熱大便閉塞小便赤少者宜加

大黃十八銖去地黄加黃芩六銖餘依方服一劑得下後消

息看氣力冷熱增損方調定更服一劑湯便急服茯苓丸令

能食便強健也忌生冷醋滑油膩菘菜海藻

茯苓圓治妊娠阻病患心中煩悶頭眩重憎聞飲食氣便嘔逆吐悶顛倒四肢垂弱不自勝持服之即效要先服半夏茯苓湯兩劑後可服此

茯苓 人參 桂心熬 乾薑 半夏

橘皮各一兩 白朮 葛根 甘草 枳實各二兩

右十味為末蜜和為丸如梧子飲服二十九漸加至三十九

日三肘後不用乾薑半夏橘皮白朮葛根只五味又云妊娠忌桂故熬

治妊娠惡阻嘔吐不下食方

青竹茹 橘皮各十銖 茯苓 生薑各一兩 半夏三十銖

右五味咬咀以水六升煮取二升半分三服不瘥煩作

道藏輯要

孫真人千金方

聖 續虛集十二 川上

橘皮湯治妊娠嘔吐不下食方

橘皮 竹茹 人參 白朮各十銖 生薑一兩

厚朴十二銖

右六味咬咀以水七升煮取二升半分三服不瘥重作

養胎第三論方 逐月養胎 禁忌

論曰舊說凡受胎三月逐物變化稟質未定故妊娠三月欲得觀犀象猛獸珠玉寶物欲得見賢人君子盛德大師觀禮樂鍾鼓俎豆軍旅陳設焚燒名香口誦詩書古今箴誠居處簡靜割不正不食席不正不坐彈琴瑟調心神和情性節嗜慾庶事清淨生子皆良長壽忠孝仁義聰慧無疾斯蓋文王胎教者也